

Na inauguracion di Monumento 18 di Maart

FIRMANTENAN NA BIDA LO TA INVITADO ESPECIAL

ORANJESTAD(AAN): Un momento emocionante durante inauguracion di Monumento 18 di Maart lo ta e binimento hunto di e firmantenan, cu ainda ta na bida, di e peticion notarial cu na anja 1948 Cornelis Albert (Shon A) Eman a entrega na La Reina Wilhelmina pa Aruba haya un Status Aparte.

Tur e firmantenan na bida lo haya un invitacion especial pa forma parti di e acto oficial di inauguracion di e busto di Shon A, cu cual nan a lucha schouder cu schouder, y di e mosaiconan cu tin nomber di tur e firmantenan graba pa eternidad.

Minister President Henny Eman y Vice Minister President Glembert Croes lo inaugura e murayanan di e monumento cu ta bise Monumento 18 di Maart.

Cuater firmante di e peticion notarial lo inaugura e nombernan y Sra. Viuda Blanche Eman hunto cu un nicto lo haci e acto di desvelo di e busto di Shon A Eman.

Minister di Husticia Watty Vos cu tin anjanan ta milita

den e lucha aki lo ta e orador principal.

E firmantenan di e peticion 1947 - 1948 por worde considera como pioneronan di e lucha pa Aruba bira Baas den su mes Cas.

Den tur skina di Aruba nan a reuni y duna muestra di nan determinacion pa bin un cambio den e constelacion estatal di Aruba. Vision y curashi a caracteriza e Arubianonan aki. Aruba tabata un pais seco y hopi isola, sincbargo su lidernan y e pueblo no a accepta ningun limitacion pa Aruba.

Nan desco pa progreso y autodeterminacion pa Aruba no por a worde kibra.

Na un edad hoben nan yama Shon A Eman pa bin milita den e lucha aki, pa Aruba por bira "Baas den su mes Cas", e causa cu tabata worde lidera pa su tata Henny Eman.

Den nan nomber e a bai entrega na su Mahestad Reina Wilhelmina e peticion pa Aruba haya un Status Separa den Reino Hulandes.

Nan desco tabata anca den 42 akte notarial.

E documentacion oficial aki di e deseo masal di e pueblo Arubano pa bira un pais ariba su mes a haci un impacto den Reino.

Shon A tabata su so na Hulanda, pero den su brasa e tabata carga e opinion di un pueblo determina. Shon A tabata ariba un mision duro, pero cu un sosten moral di henter un pueblo.

Cu e mandato y determinacion aki Shon A Eman a bai tambe Conferencia di Mesa Rondo y dia 18 di Maart 1948 e a logra e aceptacion unanime di un mocion den cual Aruba su derecho pa

opta pa un Status Aparte pa promer bez a worde reconoci.

Asina tambe e fundeshi di e lucha Arubano pa Status Aparte a worde poni.

E monumento 18 di Maart pesey ta duna tributo na e fecha y hechonan historico aki, na e jiu di tera stima, Shon A Eman, cu te awe no a haya un busto na su memoria, y na e determinacion di e pueblo Arubano.

Graba pa eternidad den e base di e Monumento 18 di Maart ta e nombernan di tur e 2147 Arubanonan valente cu a lanta para y pone den man di Shon A Eman un mandato

cla pa resona na Hulanda: Aruba kier ta un pais autonomo den Reino Hulandes.

Pa generacionnan cu lo sigui despues, Monumento 18 di Maart su dos murayanan solido di concret lo keda pa semper como simbolo di e determinacion cu cual e pueblo Arubano a para tras di su causa y banda di C.A. (Shon A) Eman, Abogado di Pueblo, un di su jiuhan di tera cu di un edad hoben a entrega su alma y curpa na e anhelo di mas grandi cu un pueblo por tin, esta e derecho pa e mes determina su destino.

MAESTRO DI ARTE DI CORTA CRISTAL NA ARUBA

ORANJESTAD(AAN): Awe y mañan e artista maestro cortador di cristal Jim Buckley lo ta na Little Switzerland demostrando su art y lo autografia na mes momento of graba compranan di clientenan.

James "Jim" Buckley a cumenza cu e arte aki na edad di 16 aña como aprendiz na 1970.

El a pasa su prome seis lunanan den departamento du supla glas y haya su prome experiencianan.

Despues el a pasa pa e parti di cortamento pa cumenza su aprendizsahé di cinco aña.

El a studia cerca de la Salle Brothers cu a elogiar como estudiante excelente, dedica na su trabao y particularmente su interes den arte y diseño y habilidad di traha cu su mannan.

Durante su periodo di aprendizsahé el a demostra e dedicacion aki y califica como cortador cu distincion na 1975 completando un serie di examenacion.

El a sigui cu su estudio di arte y diseño y cu experiencia acumula di cortamento di glas el a ser promovi pa Master Cutter na 1983 cu responsabilidad pa calidad di e establecimiento di seis trahador.

El a move cu cambianan tecnologico y a haya e transicion di wiel di cortamento di ceramica y diamante inovativo y interesante.

Ademas di Waterford Crystal e tin otro interesnan tambe manera jardinero amateur cu diplomanan di diseño di jardineria.

E ta un hungador califica di deporte Squash, califica den coaching, y instructor di Scuba diving.

Pero riba tur interes cu e tin, su familia ta bin na prome lugar y tur tempo liber cu e tin e ta pasa cu casa Anne Marie cu ta Nurse di Estado Registra na Waterford Regional Hospital y su dos yiuhan Grace y eve di 10 y 5 aña respectivamente.

Little Switzerland®

At Royal Plaza

presents March 8 & 9, 1996

Waterford Crystal Master Cutter James Buckley


Mr. Buckley will demonstrate the fascinating art of crystal wedge cutting and will autograph or inscribe customers' Waterford purchases from 9 am. to 4 pm.



James Buckley

Don't miss this exciting event!

Register to win a Waterford 8" Salad Bowl - a \$139 value
no purchase necessary



Little Switzerland®